

遺契



服部文庫
417
2002
1



117
2002

題遺契



才疎不足為人師。卽恒讀書。素有廣覽四方
之好。不能遂也。亦唯以此當觀遊之樂而已。時
或與一二同志言之。中歲謬以一日之長。為鄉
曲所推。令居待問之間。而少有病忘。朝見而夕
忘。猶且不得不與人酬酢焉。其所恒言。或有類
聚書所當就考者。臨時探取不難也。至於僻書。
及猥雜略涉。不必重見者。每患過目則失焉。於
是隨所遇而抄錄焉。間亦所恒一二急就。附於

117 2002 (1)

其中。凡以備私記。左右取之。積年累帖。若成書然。人或見以為可以傳焉。然此余踈拙愈見。每自省之。赧然耳。儻遇強記之人。則覆醬之不足。夫世之君子。儼然著撰。固已弘世為人。此安敢例其比哉。且夫抄書所為人。一有所幾。各一有所見。己之所見。不必益他。他之所幾。亦無起予。况又有我因朝夕而自不忘者。有臨行文既且用過者。有獨辨臆中而不可筆。終與我骨朽者何限。是固不在此中也。然則我存書存。我亡者

亡。余今行年既踰七十。耄矣愈忘。餘生無幾。胡用此物為。猶且方寸不通。不能大忘。姑亦雞肋存焉耳。惟執己為契。縱遺之道。廢棄之物。恐復令後人數昧。乃欲焚之數矣。或曰。何不廣哉。我躬將化。遑恤我後。焚之亦可。遺之亦可。斯已大忘可也。余乃爽然達其言也。然既是遺契而已。姑錄其言。令後之拾者知千萬無益於他人之富爾。

南郭散人服元喬

事 動止 狀態 指使 常事 特迹

徵惡 死生 附家倫昏冠

籥口 越絕書忠臣籥口。不得一言。外傳紀策考

起居 吳越春秋王行有頃。因得生瓜已熟。吳

王掇而食之。謂左右曰。何冬而生瓜。近道人

不食。何也。左右曰。謂糞種之物。人不食也。吳

王曰。何謂糞種。左右曰。盛夏之時。人食生瓜。

起居道傍。子復生秋霜。惡之。故不食。夫差內傳

今按是謂大便為起居。他書未有所見。

越王賤役 同上。越王服犢鼻。著樵頭。夫人衣

無緣之裳。施左關之櫺。夫斫剝養馬。妻給水

除糞灑掃三年。勾踐入臣傳

笄妾 楚語司馬子期欲以其妾為內子。訪之

左史倚相曰。吾有妾而愿欲笄之。其可乎。

司目 同上。道殣相望。盜賊司目。

礪仁 韓詩外傳。仁道有四。礪為下。廉潔直方。

疾亂不治。惡邪不匡。雖居鄉里。若坐塗炭。命

入朝廷。如赴湯火。非其民。非其食。弗嘗。疾亂

其民下疑有脫字

世而輕死。弗顧弟兄。以法度之。比於不祥。是

礪仁者也。第一

色知 荀子。色知而有能者。小人也。

大蘇 小爾雅。死而復生。謂之大蘇。

便時 後漢楊震傳。便時大學。註前書。便時上

林延壽門。通鑑注。杜佑曰。取日時之便。

授麾 魏張遼傳。遼從征袁尚於柳城。卒與虜

遇。遼勸太祖戰。氣甚奮。太祖壯之。自以所持

麾授遼。遂擊大破之。斬單于蹋頓。

燒塋 晉石勒載記。勒下書禁國人。不聽報嫂。及在喪婚娶。其燒塋令如本俗。又按火塋字見搜神記。

扣刀 通鑑宋文紀。許曜侍帝。扣刀目擘。註拔刀微出。削為扣刀。文紀五

蔭附 同上。齊武紀。魏初民多蔭附。註蔭附者。自附於豪家。以求蔭庇。齊武紀二

牛埭 同上註。即今西興堰。用牛挽船。因曰牛埭。

挺身 同上。梁武紀。挺身不持兵仗。註挺直也。

梁紀十 按挺身已見宗慤傳

刺閨 同上。陳文紀。每夜刺閨。取外事。分判。註

以錐茶物曰刺。閨宮中小門也。就閨中刺取

外事故曰刺閨。陳紀三

弱顏 同上。陳宣紀。帝弱顏不能諱。以實告之。

註見人輒自羞。而顏有忸怩者。為弱顏。今人

猶有是言。五 今按此邦亦有是言

吹脣 同上。齊明紀。眾號百萬。吹脣沸地。註吹。

嘯指亦奇

南史王華傳華
時年十三在軍中
与厥相失隨沙門
釋曇冰逃使提衣
襪後後律邏咸
疑焉華行遲曇
冰罵曰奴子怠懈
行不及我以杖捶
華數十衆乃不疑
由此得免

脣者。以齒齧脣。作氣吹之。其聲如鷹隼。其下
者。以指夾脣吹之。然後有聲。謂之嘯指。齊紀

假譎救主

北史李穆傳。周文馬中流矢驚逸。

墜地。敵人追及。左右皆散。穆下馬。以策擊周
文背。因大罵曰。籠東軍士。尔曹主何在。尔獨
住此。敵人見其輕侮。不疑是貴人。遂捨而過。
今按晉瑯琊王出關後。復有此事。因憶吾
昔安宅關。辨慶假譎。免廷尉難。智者權計。
亦何偶合。

告獵

韓詩外傳。秦之時。以貪利為俗。以告獵

為化。第五

一呼再諾。同上。當前決意。一呼再諾者。人隸
也。

子夏勇

同上。公孫恂至。入門杖劍疾呼曰。商

下。我存若頭。子夏顧咄之曰。咄。內劍。吾將與
若言勇。第六

屠知女醜

同上。齊王厚送女。欲妻屠牛吐屠

牛吐辭以疾。其友曰。云。吐應之曰。其女醜。

其友曰。子何以知之。吐曰。以吾屠知之。吾肉善而去若少耳。吾肉不善。雖以吾附益之。尚猶賈不售。今厚送子。醜故耳。其友後見之。果醜。第九

契領

說苑。立節

荀子勸學篇亦有契領字。同事異

婦人而丈夫飾者。同上。政理

口沫出。同上。皇帝按劔而坐。口正沫出。正諫

夙笑。同上。

捲伴。桂海雜誌。南州法度疎略。婚姻多不正。

村落強暴。竊人妻女以逃。轉移他取。安居自若。謂之捲伴。言捲以為伴侶。

煖爐。呂元明歲時雜記。京人十月朔。沃酒。乃

炙鬻肉於爐中。團坐飲啗。謂之煖爐。

鬪香。陶穀清異錄。中宗朝宗紀。韋武間為雅會。各携名香。比試優劣。名曰鬪香。

乾咲。能改齋漫錄。世言咲之不情者為乾咲。宋范曄謀。就刑於市。妻來別。罵曄曰。身固不足塞罪。奈何枉殺子孫。曄乾咲而已。按乾咲

自此始。

程子學 沉作喆寓簡。程氏之學自有佳處。至推魯不學之人。竄迹其中。狀類有德者。其實土木偶也。而盜一時之名。東坡譏罵。斬侮畧無假借。或過之。不知東坡之意。懼其為揚墨。將率天下之人。流為矯虔庸墮之習也。闢之恨不力耳。豈過也哉。

軒渠 黃朝英緝素雜記。後漢荀子訓傳云。兒識父母。軒渠咲悅。欲往就之。蓋軒渠欲舉其

身體。以就父母之狀。

咻尾 同上。行酒巡匝。即重其盞。蓋慰勞其得酒在後也。又云。咻者貪也。謂處于座末。得酒最晚。腹癢于酒。既得酒巡匝。更貪婪之。故咻尾。咻字從口。足明貪婪之意。此說近之。婪尾藍尾同。

癡大 高懌群居解頤云。散樂高山崔嵬。善弄癡大。

通心錦 合歡梁 永諧袴 戊辰雜抄。女初

至門。婿去丈許逆之。相者授以紅綠連理之錦。各持一頭。然後入。俗謂之通心錦。又謂之合歡梁。言夫婦自此相通。如橋梁也。三日後。命工分作二袴。婿女各穿其一。謂之永諧袴。心織筆耕。北里志。王勃事。

右從桂海雜志。至北里志。說郭正續所收。偶且隨見漫抄。按本自抄書。而今本多偽。引據未必必也。他有見行者。將就原一校。恨尚未暇。後皆倣此。

婚打聾 酉陽雜俎。北朝婚禮。青布幔為屋。在門內外。謂之青廬。於此交拜迎婦。夫家領百餘人。或十數人。隨其奢儉。挾車俱呼新婦。子催出來。至新婦登車乃止。婿拜閣日。婦家親賓婦女畢集。各以杖打聾為戲樂。至有大委頓者。禮異按世說載。魏武少時。叔人新婚云。青廬中人皆出觀。亦此物。尔則青廬。漢末已有之。又按吾俗近世。婦家拘聾澆水。聚稱水賀。往亦至委頓。

婚禮異

同上。近代婚禮。當迎婦。以粟三升。填
臼。席一枚。以覆井。泉三介。以塞牕。箭三隻。置
戶上。婦上車。聳騎而環車三匝。女嫁之明日。
其家作黍臠。女將上車。以蔽膝覆面。婦入門。
舅姑以下。悉從便門出。更從門入。言當躡新
婦迹。又婦入門。先拜豬棧及竈。娶婦。夫婦併
拜。或共結鏡紐。又娶婦之家。弄新婦。臘月娶
婦不見姑。同上。

膚割

點青 同上。上都街肆惡少。率髡而膚

可字疑

割備衆物形狀。時諸軍張拳強劫。至有以蛇
集酒家。捉羊脾擊人者。今京兆薛公上言白。
令里長潛部約三千餘人。悉杖煞。屍于市。
人有點青者。皆灸滅之。時大寧坊力者張幹
割左膊曰。生不怕京兆尹。右膊曰。死不畏閻
羅王。又有王力奴。以錢五千召割工。可胸腹
為山。亭院池樹。草木鳥獸。無不悉具。細若設
色。公悉杖殺之。黥 丹鉛錄云。昔日已前家
未貧。若將錢物結交親。如今失路尋知己。行

盡關山無一人。張安貧兒鏤臂文。鏤臂或謂之劊青。狹邪游人與倡狎。多為此態。僧尼孽海靈隱寺僧傳曰。於僧臂見刺字兩行云。但願同生極樂國。免教今世苦相思。

樂喪魘頭 同上。世人死者有作伎樂。名為樂

喪魘頭。所次存亡者之魂氣也。一名蘇。衣被

蘇。如也。一曰狂阻。一曰觸墮。四目曰方相。

兩目曰傲據。費長房識李娥藥丸。謂之方相

腦。則方相或鬼物也。前聖設官象之。尸窆

與手 見搜神後記。蓋助力意。按通鑑唐高

祖紀。化及揚言曰。何用。持此物出。亟還^與手。註

與手。魏齊間人。率有是言。言與之毒^疑手而

殺之也。宋孝建初。薛安都助順有大功。從弟

道生亦以軍功為大司馬參軍。犯罪為秣陵

令薛淑之。所鞭安都大怒。乘馬執稍。從數十

人。欲往殺淑之。行至朱雀航。逢柳元景。問何

之。安都曰。薛淑之鞭我從弟。指往刺殺之。元

景曰。小子無宜適。卿往與手甚快。安都既回

馬。元景復呼使入車。讓止之。此與手之徵也。
鬱養強孰。見後漢書。又前書召信臣傳。太官
園種冬生葱韭。火待溫氣乃生。

轉席。龔公芥隱筆記。今新婦轉席。唐人已尔。
樂大春深娶婦家詩云。青衣轉氈褥。錦繡一
條斜。

石曼卿豪飲。夢溪筆談。石曼卿喜豪飲。每與
客痛飲。露髮跣足。著械而坐。謂之囚飲。于
木杪。謂之巢飲。以藁束之。引首出飲。復就束。

謂之鼈飲。其狂縱大率如此。解後為一菴。常
卧其間。名之曰捫虱菴。未嘗不醉。仁宗愛其
才。嘗對輔臣言。欲其戒酒延年。聞之因不飲。
遂成疾而卒。

同甲會。同上。文潞公保洛日。年七十八。同時
有中散大夫程昞。朝議大夫司馬且。司封郎
中致仕席汝言。皆年七十。八。嘗為同甲會。各
賦詩一首。

打圍。山谷詩。萬里明妃雪打圍。注五代史四

夷附錄。耶律德光言。我在上國。以打圍食肉為樂。按虜人以游獵為打圍。

炭炊。宋康駢劇談錄載洛中豪士云。常饌必以炭炊。

禪鑽。徐度却掃編。呂申公素喜釋氏之學。及為相。務簡靜。罕與士大夫接。惟能談禪者。多得從容。於是好進之徒。往二幅巾道袍。日遊禪寺。隨僧齋粥。談說理情。覲以自售。時人謂之禪鑽云。宋睢陽徐度敦立

梅字疑恐撫字

送羊脚狀。五色線云。撫言。天復元年。杜德祥

榜放。曹松等及第。松學賈司倉詩。此外無它

能。時號松啓事。為羊脚狀。五色線跋曰。右此

伯手鈔于鶴城所寓之怡雲軒云。毛晉跋曰。攷中興館閣書目。稱不知作者。撫百家雜事。証之。為類門。舊改亦不著年。月。姓氏云。

三公欲遵釋氏葬法。吳僧文瑩湘山野錄。王

文貞公至病之革。公召揚文公於卧内。囑以後事。曰。吾深厭煩惱。慕釋典。願未來世得為苾芻。林間宴坐。觀心為樂。將易簣之時。君為

我剃除鬚髮服壞衣。勿以金銀之物置棺內。
用茶毘火葬之法。藏骨先塋之側。起一茆塔。
用酬夙願云云。大年謂曰。餘事敢不一二拜
教。若剃髮三衣之事。此必難遵。公三公也。萬
一薨奄。鑿輅必有被祧之臨。自當歛贈。公衮
豈可加於僧體乎。至薨。大年與諸孤協議。但
以三衣置柩中。不藏實貨而已。壽六十一。配
享真宗廟廷。又按唐杜鴻漸病甚。令僧削
髮。遺令為塔以葬。

煖屋 輟耕錄。今之入宅與遷居者。隣里釀金
治具。過主人飲。謂之曰煖屋。或曰煖房。王建
宮詞。太儀前日煖房來。則煖屋之禮。其來尚矣。
上頭 同上。今世女子之笄曰上頭。而倡家處
女。初得薦寢於人。亦曰上頭。花萼夫人宮詞。
年初十五最風流。新賜雲鬟使上頭。又按
齊書。華寶傳。父豪。義熙末。成長安。寶年八歲。
臨別。謂寶曰。須我還。當為汝上頭。長安陷虜。
豪歿。寶年至七十不婚冠。
今按。據此。則似泛指冠婚而言。
不獨女子笄。

紅契買到 同上。今蒙古色目人之減獲云。
又有曰紅契買到者。則其元主轉賣於人。立
券投稅者是也。

四司六局 同上。俗稱四司六局者。多不能舉
其目。古杭夢游錄云。官府貴家。置四司六局。
各有所掌。故筵席排當。凡事整齊。都下街市
亦有之。常時人戶。每遇禮席。以錢倩之。四司
六局皆可致。四司者。帳設司。厨司。茶酒司。臺
盤司也。六局者。果子局。蜜煎局。菜蔬局。油燭

局。香藥局。排辦局也。

經紀 同上。今人以善能營生者為經紀。唐滕
王元嬰。與蔣王。皆好聚斂。太宗嘗賜諸王帛。
勅曰。滕叔。蔣兄。自能經紀。不須賜物。韓作柳
墓誌云。唐已有此言。按經紀已見北齊
顏之推還冤記。

龐居士 同上。世有貪利之人。必曰汝是龐居
士。蓋相傳以為居士家貲巨萬。殊用勞神。竊
自念曰。若以與人。天恐人之我若。不如置諸

無何有之鄉。因輦送大海中。舉家修道。總成證果。

黃道婆 同上。閩廣多種木。綿紡績為布。名曰吉貝。松江府東去五十里許。曰烏泥涇。其地土田磽瘠。遂覓種於彼。初無踏車推弓之製。率用手剖去子。線弦竹弧置按。問振掉成劑。厥功甚艱。國初時有一姬名黃道婆者。自崖州來。乃教以做造捍彈紡織之具。至於錯紗配色。綜綫挈花。

獲元 孫際北里志。小鳳以為獲元甚喜。談槩文戲部云。一人娶妻無元。袁可潛贈之如夢令云。今夜盛排筵宴。準擬尋芳一遍。春去已多時。問甚紅深紅淺。不見不見。還你一方白絹。今按。獲元蓋謂初占得其上頭。

牽絲之章 書言故事。唐郭元振美手姿。宰相張嘉貞欲納為婚。曰吾五女各持一絲幔。後子牽之。得者為婦。元振牽一紅絲。得第三女。有姿色。

餽女 同上。嫁女後送食曰餽女。邵氏聞見錄。節。

子伯温著 宋景文公納子嬭。其婦家饋食物。書云。

以食物煖女。公曰。煖字錯用。後食從而後大。

其子退檢書。博雅中餽字。舊注女嫁三日

湯餅會 同上。三朝會曰湯餅會。唐劉禹錫送

張盥詩。尔生始懸弧。我作坐上賓。引筋舉湯

餅。祝詞天麒麟。因按南史徐陵傳云。陵年數載。釋寶誌摩其頂曰。天上石麒麟也。

禊有春禊。秋丹鉛錄。禊水上祓除也。然有春禊

秋禊。論語云。王右軍云。劉楨魯都賦曰。

素秋二七。天漢指隅。人胥稜禳。國子水嬉。此用七月十四日。指秋禊也。

酒令手勢 同上。五代史。弘肇與蘇逢古飲酒。

酒令作手勢。按唐人酒令曰。亞其虎膺。謂手

掌。曲其私根。謂指節。以蹲鴟間。虎膺之下。蹲

鴟。大指也。以鈎戟。差玉柱之傍。鈎戟頭指。玉

柱。中指也。潜虬濶。玉柱三分。潜虬。無名指也。

竒兵濶。潜虬一寸。竒兵。小指也。死其三洛。謂

彈其腕。生其五峯。通呼五指也。謂之招手令。

唐人皇甫松

私通鑑注作松

其亦手勢之類與。

手摹

下手書 同上。周禮司市云。以質劑結

信而止訟。鄭康成云。長曰質。短曰劑。若今下

手書。賈公彥云。漢時下手書。若今畫指券。黃

山谷云。豈今細民棄妻手摹者乎。不然。則今

婢券不能書者。畫指節。及今江南田宅契亦

用手摹也。

鏡聽

同上。李廓王建皆有鏡聽詞。鏡聽今之

嚮卜也。

李廓詩云。匣中取鏡祀竈。王羅衣。披尽明月光。昔時長者照容色。今夜潛將聽消息。前門地黑。人來稀。無人錯過。朝夕歸。更深弱體冷。如鉄繡帶。菱花懷裏熱。銅片銅片。如有靈。願得照見行人千里形。

撫塵遊

同上。北堂書抄載。東方朔與公孫弘

書云。同類之遊。不以遠近為故。士大夫相知。

何必以撫塵而遊。垂髮齊年。偃伏以日數哉。

撫塵。謂童子之戲。若佛書所謂聚沙也。

龍盤結

釋氏要覽。結加趺坐。以兩足趺加致

兩脰。如龍盤結。

义腰

四分律。不得义腰行。入白衣舍。注佛在

舍衛。六群义腰行。入白衣舍。居士譏言沙門

自稱我知正法。以手义腰。如人新婚得志。僑

放比丘舉過佛因訶制。

唐秦誠使日本 琅邪代醉編唐文宗宮妓沈

翹。上謂曰。卿欲歸官禁。欲適人。翹。不對。

上知其意。乃選金吾判官秦誠聘之。出宮之

夕。宮人伴送。花燭之盛。自天恩。數年之後。誠

使日本。久而不歸。翹。執玉方響登樓。自為

一曲。名憶秦郎。聲音悽愴。方響應。二十八調。

唐宋遺史

隱射 同上。宋龐籍曰。我朝營兵雖多。老弱居

半。又皆京師游蕩之夫。及內家僮子姪代役。

其中。蓋隱射月糧馬匹租草衣絮實未嘗身

親行伍也。

預指賣 同上。聶夷中詩。二月賣新絲。五月糶

新穀。何燕泉曰。蓋謂貧民預指絲穀借債耳。

貨狄為舟 同上。危言云。黃帝作舟楫。見易。按

群玉韻府。黃帝臣共鼓貨狄。剡木為舟。剡木

為楫。

東術綴術 同上。審方面勢。覆量高深遠近算

家謂之曳術。曳心。文象形。如繩木所用墨斗也。求星辰之行步氣朔消長。謂之綴術。謂不以形察。但以算數綴之而已。北齊祖亘有綴術二卷。夢溪筆談按今行代醉編。所抄升菴錄事多矣。而以楊說并為己意。是可疑已。張豈尔哉。計當銜鬻者。欲增卷帙。妄以入編耳。

唐僧不戒酒。徐氏筆精。余嘗見有元人画醉僧圖。僧可醉乎。任華贈懷素上人云。十杯五杯不解意。百杯已後始顛狂。葺應物有寄釋

唐詩紀事僧可朋好飲酒。無以償酒債。以詩賙之。可明自號醉髡。

子良史酒云。秋山僧冷病。寄三五杯。應瀉

山瓢裏。還寄此瓢來。然則唐僧嗜酒者多矣。詩人以為諱也。

染髭鬚。同上。雲溪范攄云。近來年少輕前輩。

好染髭鬚事後生。

穿九曲珠。祖庭事苑。世傳孔子厄於陳。穿九

曲珠。遇桑間女子。授之以訣云。密尔思。二

二。孔子遂曉。乃以絲繫蠟。引之以蜜而穿之。

未詳所出。

丐頭富安。陳正惕幾亭外書。丐頭取利甚多。

按吾邦蟻通事
亦傳此已

有妻子。有居室。安然受衆乞之供。嘉善陳龍
正惕崇禎

人中

丐者拾物。輟耕錄。丐者背竹籬。手持竹夾。遇物

即以來投籬中。

業梳剃者見同上。

賀客簿。馮夢龍古今譚槩。京師節日。主人皆

出賀。惟置白紙簿并筆硯於几。賀客至書其

名。

打夾帳。同上。凡交易事。居間者索私贈。名為

打夾帳。

掌錄

董誥錄書于掌。世謂
仲玄掌錄。見御覽。掌鈔蘓秦張儀同學。
見異書以掌題。

之。見御覽。舌學董誥鈔書于掌。以舌
舐之。掌為爛。號舌學。

筆叢第二
十三

華林
博議

監寐。通雅。監寐。假寐也。或作鑿寐。後漢劉陶

傳云。齊武帝詔云。並與假寐同。監視也。

寐而未瞑。故借監鑿作字義。釋詁

拍張。同上。空手拳舞曰拍張。同上

貫行。同上。貫行谷永謂一皆遵奉也。同上

底剗 同上。即屋誅也。哀敘傳曰。底剗鼎臣。刑法

酒席添換以琰名 同上。醜與琰通。言上一看

催酒一巡也。石林燕語曰。寇萊公宴會。至三

十醜。好舞柘枝。用二十四人。每舞連數醜。號

柘枝顛。言其久也。算數

旃陀羅行。搖鈴柱破頭竹。藏經音義。唐慧琳著。旃

陀羅。此云嚴熾。謂屠煞者種類之名也。一云。

主煞人獄卒也。案西域記云。其人若行則搖

鈴自標。或柱破頭之竹。若不然。王即與其罪

也。第九

唾沘 同上。下舊音云。津逸反。通俗文云。迳而

吐之曰沘。第卅一

相撲 同上。考聲云。撲謂手搏投於地也。第卅六

搨 同上。考聲云。以指鈎取物也。同上

胡跪 同上。右膝著地。豎左膝危坐。或云互跪

也。同上

搓 同上。廣蒼云。以手搓絲為綫。韻詮。搓接繩

也。第卅七

藉五輪 同上。五輪者。謂左膝。右膝。左手掌。右手掌。頭頂。是為五輪。五處皆須至地。虔誠作禮。常以此五處至地。禮敬三寶。當來成佛之時。五處皆有千輻輪相顯現也。第十四

浴搏 同上。按西域國俗。澡浴初訖。碎以諸果。或藥。用蘓為搏。將摩拭身。令其潤滑。及去風等。故名。第十四

响耳 同上。相承音古學反。耳邊語也。未詳何出。第十五

脛肘 同上。區放反。橫舉肘也。未詳字出。此應俗語。孔云並坐不橫肱。是也。第十五

捷 同上。通俗文。以刀去陰曰捷也。同上

畔睇 同上。梵語也。唐云禮拜。第十六

拐行 同上。乖買反。上聲。俗字也。即老人把頭杖。名為拐子。患脚行不得者。拄双拐策腋行。名曰拐行。一切字書並無此字。從木另聲。第十六
按通鑑後漢紀。契丹主賜劉知遠以木拐。胡法優禮大臣。則賜之如漢賜几杖之比。惟偉

王以叔父之尊得之。註拐老人拄杖也。歐史曰。王峻持拐歸。虜人望之皆避道。

兵耻背傷。通鑑。隋恭紀。杜伏威常選敢死之士五十人。謂之上募。寵遇甚厚。有攻戰。輒令上募先擊之。戰罷。閱視有傷在背者。即殺之。以其退而被擊故也。

娘子軍。通鑑同上。李氏。柴紹妻。將精兵萬餘。

會世民於渭北。與柴紹各置幕府。號娘子軍。誓有香火。同上。唐高祖紀。世民告突利曰。尔

往與我盟。今乃引兵相攻。何無香火之情也。註古者盟誓。質諸天地山川鬼神。歃血而已。後世有對神立誓者。有禮佛立誓者。始有香火之事。

反覆為兩面。同上。代宗紀注。唐人謂反覆者為兩面。

酒悲。同上。後唐莊宗紀注。人有醉後而涕泣者。俗謂之酒悲。

水獄。同上。後晉高祖紀。漢高祖聚毒蛇水中。

以罪人投之。謂之水獄。

排當 同上。宋度宗紀。宮中飲宴名曰排當。

月光讀書 齊書江泌傳。泌少貧。晝斫廩。夜讀書。

隨月光握卷升屋。

